

MATVTINIS EXAGITANDA DISPVATIONIBVS
IN SCHOLIS MEDICORVM DIE IOVIS XIX. NOVEMBRIS.

D. NICOLAO PIETRE DOCTORE MEDICO MODERATORE.

An animi mores sequuntur temperamenta corporis?



Vt anima sit forma viuientium, quædam autem viuant vegetando, vt stirpes, in quibus alrix anima dominatur (cui ministrant attritrix, rementrix, coctrix, & expultrix) quas falsò Pythagorei sentire iudicauerunt eo quod traherent alimentum cum delectu, vile quippe & naturæ suæ conueniens de terra per fibras sugunt, alienum vero respuunt ea vi qua materia formam appetit, elementa sua loca. Alia viuunt sensu, vt belluæ, quæ etiam si ab appetitu ad persequendum vile, & fugiendum noxium impellantur, vtrumque tamen sensu (potissimum vero tactu) discernunt: vnde phantasia istarum motionum principium constituitur non appetitus. Viuentia melioris naturæ vt homines, reguntur ratione, cui dum parat appetitus non tantum profert virtutes morales, sed etiam seruandæ mediocritatis in perturbationibus omnibus est auctor.



RAPLICEM appetitum natura locis discluit: Cupiditatem enim in iecore collocauit, Iram in præcordijs, Voluntatem in Cerebro: appello cupiditatem non tantum cibi & potus, sed etiam veneris appetitum illum qui a iecore in testes propagatur: iram vero feruorem sanguinis ob appetitum vindictæ: voluntatem non tantum vtilis & iucundi, sed honesti potius vel inhonesti desiderij. Ad voluntatem pertinet veritatis, scientiæ, & rerum honestarum: ad iram potentiæ, victoriæ, gloriæ, & libertatis: Ad concupiscenciam esculentorum, potulentorum, & veneræ voluptatis cupiditas.



Quatuor elementa qualitatibus primum alterata deinde formis vnita, mixtorum omne genus proferunt: quæ a qualitatibus dominatu manifestas, a forma occultas vires sortiuntur: sic ad animalium perfectorum, atque imprimis hominis generationem duo coniuncta & sensibilia principia concurrunt, semen & menstruum, ex quorum varia mixtione quinque temperamentorum differentie cõsurgunt, Sanguineum, Biliosum, Pituitosum, Melancholicum, & omnium mediocritate temperatum, quæ sunt sanguineorum animalium propriæ, quemadmodum mixtorum omnium communes quæ a qualitatibus petuntur nouem differentie, quatuor simplices Calidum, Frigidum, Humidum, Siccum: totidem compositæ, Calidum humidum, Calidum siccum, Frigidum humidum, Frigidum siccum, & ex illis temperatum: quod malim quintam qualitatem quatuor primarum vires complectentem definire quam omnium concentum.



EMPERAMENTO mixtionis respondet humorale, quia calor siccus bilis, humidus sanguineus producit, frigus humidum, pituitam: siccum melancholicum humorem: parumque refert si quem calido sicco, an bilioso dixeris temperamento, calido humido, an sanguineo: quæ etiam si per ætates simul immutentur, prima enim ætate calida & humida sanguis dominatur: secunda calida sicca, bilis: tertia frigida & sicca, melancholicus humor: postrema frigida humida, pituita: in quorû symmetria sanitas, ametria morbi: tamē ad extremum vsq; diē natui permanet vestigiū: ita vt qui natura calidus siccus fuerit, toto vitæ decursu talis erit. Natura quippe fixa & mutari nescia.



LIOSI solent esse perugiles, interriti, ad agendum promptissimi, & ingenio solertes & sagaces, gulæ & veneri minus addicti: Pituitosi vero pigri, somnolenti, pusillanimes, & vinosi, & Melancholici iudicio magis excellunt, minus inuentione, pertinaces, edaces, libidinosi, meticulosi, anguntur animo, expertes omnis voluptatis: Sanguinei faceti, iucundi, affabiles, ad venerem procliuces, & omnium aptissimi, talesque animæ mores singulis ætatibus pro dominatu humoris plûs minus immutantur.

Ergo animi mores sequuntur temperamenta corporis.

PONEBAT ADRIANVS BRAYER CASTROTHEODORICVS, Anno Domini 1598.

Domini Doctores Disputaturi.

M. Ioannes de Renou.
M. Petrus Pijart.
M. Nicolaus Iabor.

M. Antonius de Cappe.
M. Ioannes Groust.
M. Simon Pietre Prof. Reg.

M. Ionnnes Martin Med. Reg.
M. Claudius Bazin.
M. Henricus Blacuod.